

## Scottish Poetry - Primary 1

CAT AND MOUSE by J.K. Annand

Said the poussie  
Til the mousie,  
"Let me intil  
Your wee housie  
We will play  
And we will sing  
And we will dance  
A jingo-ring.'

Said the mousie  
Til the poussie,  
'Ye,ll no get  
In my wee housie.  
Ye are big  
And I am wee  
And ye wad eat me  
For your tea.'

My Doggie by J.K. Annand

My wee doggie  
Does lots of tricks,  
Fetches the paper,  
Brings back sticks,  
Chases aa the craws  
That steal the hen's feed,  
Lowps through a gird,  
Kids he's deid'  
Sits on his hunkers,  
Gies a paw,  
Then he gets  
A bane to gnaw.

Fishin Boat by J.K. Annand

Jings I'm wishin  
They'd tak me to the fishin.

Gif I catcht a haddie  
I'd fry it for my daddy.

Gif I catcht anither  
I'd cook it for my mither.

Gif I catcht three  
We'd aa hae fish for tea.

Lollipop Man by J.K. Annand

Lollipop man  
Lollipop man  
Tak me owre  
As safe as ye can.  
Motors are bizzin  
Like bees frae a byke,  
There's hunders o thousands  
I ne'er saw the like,  
Sae tak me owre  
As safe as ye can  
Lollipop man  
Lollipop man